




www.BibleForChildren.org


Fícilum 1



Ni fíçilum fafu, Aláemit
nátut fatiya ni ettam.



Ettam yay eṗa erakel
eomene, ban néni n'emoĉ.
Ni baj mal mammeṇe
múggub yo múharo.
Biinum Aláemit m'bíni
fatiya mal mamu
m'bíbefene.




Ñer Aláemit naah: «Gajaᅇa gubaj!» N'gubaj may ti
maagen. aban navoh gajaᅇa gagu etufunaha; emoĉ
yay, yo navoh yo efuga. Ni baj tiname,
ni baj bujom: funah fítiar ufu.



Aláemit nabbañ aah: «Elínga ebaj yajae me éfaculor mal mamu maa n'ettam ni maa fatiya.» Elínga yauyu, navoh yo émit. Ni baj tiname, ni baj bujom: funah fúuten ufu.



Aláemit nabbañ aah: «Mbi mal mamu maamme
n'ettam muomunor tiñ tanur, min mahae múpurul.»
Ni kan ti nalob me. Mahae maumu, navoh mo mof;
to mal mamu muomunor me, navoh to fal. Ban
najuh búoh kakan waf waaro.



Mbiban natajen aah: «Mbi ettam yay eil esel yánoyan
yajae me esen eugit, mb'eil may bununuh bánoban
bajae me ebuh subugum sabaje bakol
bi éni eugit.» Ni baj may ti
maagen, Ni baj tiname,
ni baj bujom:
funah fúfaten ufu.




Ñer Aláemit nátut ujaᅇa úuba wájaloe:
gagu gafaᅇ me gájalo, go bi ejaᅇen
etufunaha; gafaᅇ me gatiti, go bi
ejaᅇen efuga; nátut may suut
sasú. Ni baj tiname, ni baj bujom:
funah fubarigen ufu.



Aláemit nabbañ aah: «Mbi
mal mamu mugoror mala
gammeᅇ gagu gaa waf waw
ᅇ wajaē ró me eroᅇ, mbi
ᅇᅇ upu waw núh'úit
fatiya uhat ettam yay.»
Ni baj tiname, ni baj
bujom: funah futogen ufu.



Aláemit nabbañ aah: «Mbi ettam yay ebaj súnuhuren, sánosan ni ganogor so: sihaj, súnuhuren saa baha, bi ni sáfulore me n'ettam ró.» Ni baj may ti maagen, min átut sihaj, súnuhuren saa baha, bi ni sáfulore me n'ettam ró, sánosan ni ganogor so. Aban najuh búoh kakan waf waaro.




Aláemit natajen aah: «Utúlal an anogorolal,
mb'anogorolal ti maagen. Mbi waf waw þe úni n'guñen
gola: suol sasu saamme ni mal, upu waw waa fatiya,
súnuhurenþ sasu sal ettam bi ni sáfulore me ró.»

Ñer Aláemit naluj waf waw þe
wo nátut me, najuh búoh
úariari nár. Ni baj tiname,
ni baj bujom: funah
fakan me futoh ni
fanur ufu.



Ñer Aláemit Atúla nanjar an ahu aban̄ ni fíren̄ fafu fal
Eden bi ecokor fo naluj fo nímore.



Naban naagol:


«Bubugum ununuh
waw þe waamme ni
fírenj faufe, nújue utiñ
bo; bare nífireni etiñ
bununuh babu basene
me effas maaro ni
maarat. Mata ínje ilob
yo, funah fo nujae bo
me etiñ, þan uoþoro
eêet ti maagen.»



Min an ahu akan súnuhuren
sasú, sihaj sasú ni upu waw þe
ujow. Bare ajugut ni so yájahor
me bi erambenol.



Ñer Aláemit Atúla náyuol gámori gámah, min áþuren
evul ece yaa gacaôol, aban nabbañen to ti tীনien me.
Nanjar evul yauyu nateþ anaare, aban nanjallol bi ni
áine ahu.



Yo eçil me ánaine þan áþur ahat þayol
ni jaol min ak'açin búli bugo n'aarol,
min ñer bugo gúuba gúbbañul gúni
enil yanur.



Aláemit namamaŋ bugan bugagu náar iki
ájiil Añolol Erimbani yay, min mbi ánoan
áinen me ni o jamb'ábbur bándor, bare
abaj buroŋ babu bábaerit me.



Bugaa Rom 3:23 bugo ðe gutitil, ban
ni gúbbur fugabil faa gasal gagu go Aláemit
amañen me asenil.

Bugaa Rom 6:23 Maagen mamu, bacam
babu baa gatil, bo buomme eêet yay; bare
gáji gagu go Aláemit asenolal me, go guomme
buroñ babu bábaerit me ni búkanum baa
Yésu Kirista aamme Ataolal.

Híbori 9:27 Ti arafuhow nah'aêet me
ñanur bare, ðúrto Aláemit nataliñol.



Bugal Efes 2:8,9 maagen mamu, gáji Aláemit go guçilul n'jipah mala gáinenul go jibaj me ni o.

Dáuru joumulat ni buru fañaul, gáji gom gal Aláemit. Let bacam baa sembe sice sal ejenul, mamu mati baj an ájue asalenoro.

Bugaa Rom 10:9,10 Ulob me ni butumi bújoñor ésuh yay gaa búoh Yésu aamme Ataw ban núinen ni biinumi gaa búoh Aláemit nailenolyilen ni gaçet me, ðan uyab gaðah. Maagen mamu, an áinen me ni o ni biinumol ðe, Aláemit ðan ajogol an acole bújoñorol. Ey, an alob me ni butumol bújoñor ésuh yay gaa búoh náineyinen ni Yésu, Aláemit ðan asenol gaðah.



Saan 3:16,17 Aláemit namaman bugan
bugagu náar iki ájiil Añolol Erímbani yay,
min mbi ánoan áinen me ni o jamb'ábbur bándor,
bare abaj buroᅇ babu bábaerit me. Maagen,
let bi etaliᅇ mof mamu Aláemit aboñulo
mee Añolol, bare til bi eᅇagen mo.

1 Saan 5:11-13 Gurim gaugu go guomme uge:
Aláemit nasenolalsen buroᅇ babu bábaerit me,
ban buroᅇ baubu ubu ni Añolol. An ayab me Añol
Aláemit, buroᅇ babu nayabe; an ayabut me
Añol Aláemit, ayabut may buroᅇ babu.
Nihiçululhiç gurim gaugu, buru jáinen me ni
gajow gagu gal Añol Aláemit, tima n'jiffas
búoh jibabaj buroᅇ babu bábaerit me.



Fîcîlum 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Bandial Bible (bqj) Wycliffe Bible Translators, Inc.
All rights reserved.

<https://live.bible.is/bible/BQJATB/GEN/1>

©2024 Bible for Children, Inc.

www.M1914.org

www.bibleforchildren.org

